

गथ'फोरनि सल' मुसि अनिल कुमार ब्रह्म

हादि दग्ला आरो मोसा

मोनेसे समाव मोनसे हाग्रायाव मासे मोसा थायोमोन। बियो बे हाग्रायाव जुनातफोर बुथारे बुथारे बिसोरनि बेदद जानानै आलो गोजेनै दिन थांहोदोमोन। सानसे हराव बियो मासे मोसो फिसा सिथारनायसे। बियो मोसो फिसानि बेददखौ हाखु-दाखु जानायाव बिन गारामायाव हारा मोनसे थाबथाना थानायसै। बियो सानाइजो थानो हायैबादि आइखां-बाइखां जानायसै आरो खारखाव-खारसि खालाम नायसै। बियो गाव लोगो मोननाय माफ्रोम जुनातखौनो हाराखौ बख'नो खावलाइ नायसै। नाथाय रावबो रजि जायखिसै। उनथाराव बियो मासे हादिद'ग्रा लोगो मोननायसै। बियो हाराखौ बख'ना लाबोनो हायोब्ला जोबोर मोजां बान्था होगोन होननानै हादि द'ग्लाखौ बुरखायनायसै। बान्था मोनगोननि मिजिं लानानै हादिद'ग्लाआ गावनि गोलाव मुनथुश्रिखौ मोसानि गारामा सिडव सोहरनायसै आरो हाराखौ खेबखाना बखजा लाबोनायसै। मोसाआ अब्लासो खोब सुसथि मोननायसै।

हादिद'ग्लाआ अब्ला गावनि बान्थाखौ बिनायसै, नाथाय मोसाआ रागा जोखांनानै नेरखांनानै, “नों बेसे आदुआ। नों गुनथुश्रिखौ आनि खुगायव सोहरनो मात्रे साहस मोनखो? नोंदि दासिम थांनानै दं, बेनो नोंनि थाखाय थोजासे बान्था।” मोसाआ अर बुंवावनायसै, “माबा मोनसे बान्थानि खोथा दाबुसै। नों गोखे जाइखार लां, आदुआ। नडब्ला नोंखौ आं आदार खालामगोन।”

बे बान्थायाव हादिद'ग्राआ सहाइ गैयै जानानै थावनिखौ सिरियै नागर लांनानै।

बोसोन : उदखारिखौ माल्लाबाबो फोथायनो नाख।

हे गव्साई

उजिजेननायावबो बिमा गोमानाय, देरनायावो दुखु-दाहा सहायनांवाय फरायनायावबो मोदै फुगरनांवाय मानोथो हरमोन गसाइ- एसेबां महरगोसा गुण-गियान? मानोथो फोरोंडमोन गसाइ- एसेबां बुरजा बि.ए. थाखोसिम? ना गसाइआ फावथिना दिन्दिं खर्म' बसुमफारीखौ दान्दिसे दिन्थिनानै- जोंसार, मदन मनिराज मोननि गोसोखौ लोरबां खालामनो? हे गसाइ- बर' हारिखौ सैया नामा नों? बर'नि गेजेराव उजिनाय आगोमा- सुबुंखौ मानो लांखो?

जोंसार बरगयरी

फरायसालि- बेंटल हाइयार सेकेण्डारी स्कुल थाखो- एइस एस नैथि बोसोर
ला:सो:- बेंटल, जिला- चिरां बि टि ए डि

नों गोजोनो अनसुला

आं नोंसिनाव थांबा नों गोजोनो, नाथाय नोंखौ नुब्ला आंना सोलेराबो सुरलायो- नों मिथियोना बेनि जाहोना मा जागोन अनसुला.....? आंदि नोंखौ बुजिनो मोनाखैसै। नोंसिनाव आं थांबाबो नोंखौ लाजियो, नों आंजों रायज्जायबानो आं गंभियो, बेनि जाहोना मा नों फोरमायदो अनसुला.....? आं नोंनि बुंनयाखौ हमथानो हायासै। नोंसिनाव आं थांबा आंनि रावआबो गोमालाडे अनसुला, आंना गोसोआ नोंजों लोगो मोनबा जेबो होनो हाया- अनसुला बेयो मानि जाहोनआव, नोंदि मा होनो आं बुजिसनो हाया अनसुला....। आं थांबा नों सिरि-सिरि, आं थाडेबा नोंनाव मिथिगायानो समायना जायो साहानि बाराबो सिउ-सिउ नोंखौ आं फोजायो सिमांआव अनसुला। आंनि गोसोखौ नों दाबोनो बुजियाखै अनसुला, नोंनों आंनि गोसोआ मा फोरमायदो बेखो नों मिथिया आंनि गोसोआ, नोंसिनाव थांनो गोसो जायो अनसुला, बेनिखायनो आं नोंसिनाव थाडे अब्ला नोंनि गोसोआ गोजोनो अनसुला।

थरायना मोनाविलि ब्रह्म
गसाइगाव हिन्जावसा गोजों फरायसालि
ला:सो:- गसाइगाव
जिला- ककराझार बि टि सि आसाम।

बिबबार

बिबबार बिबबार मानो बारो नों बिबबार? फैयो नों मानो सानसे साननैनिल जिउ लानानै फैलाव मिथिगा बिखायाव? दड नामा सामसे साननैनिल जिउ? नंगौ नों इसोरजों थिनहरजानाय बे फैलाव मिथिगा बिखायाव। सम आरो बोथोरजों गोरबनानै फैयो आरो थाडे नों बे मिथिगा बिखानिफ्राय..... समायना रमायना बायदि हायना महरनि बिबबारफोरा..... गेवलां गेवलां बारदों। हायना महरनि नों मोदोमफु बिबबार नोंनि हायना महराव बेरे सिखिरि-फोरा दिं सोबनो बिबबारय बिबबारय नायगिर बायो नों बिबबार? आय' बिबबार नों मानो मोजोमसेल'। नोंनि हायना महरखौ नुफा माफा बे फैलाव मिथिगा बिखायाव। साया-माया दान्दिसेल॥ सम जानाय लोगो-लोगो गोमा लांफिन जोबो मानो नों बिबबार? अ बिबबार नों मा एसे समायना-रमायना! नोंनि महरा सुबुंनि गोसो गोर्बो आव गोजोन होयो। समायना-रमायना बायदि गोमो गोथां गाव गोनां नोंनि महरा लासै नों गोबायो अनसुली बुहुम बिखाखौ गावनि बोथोरवाव गाव..... सम आरो बोथोरजों गोरबनानै।

मुश्री रिनदाव बसुमतारी
फरायसालि-देबरगाव एइस.एस देबरगाव
थाखो-एइस एस चेकेण्ड इयार
ला:सो:- सिम्बार गाव
जिला-कक्राझार बि टि सि आसाम।

बावनो हालिया आं नोंखौ

बावनो हालिया आं नोंखौ आय' मा बायदि मुहनि गोनां गावदां महरा बे नोंनि सानसुलि! नाथाय खनसेनि बारा जायाखे नुज्जायनाया दाबोनो नोंजों, नोंजों खुगा रुजु-रुमु रायज्जायनो मोननाया गौरां देसा सेराव खनसेल' अब्लाबो नोंनि हायना सारफावनाय महराव थाबाय हाबनानै आंनि बिखायाव। मानोना गोसो जाखादोंमोन आंबो रायथिना लानो नोंखौ गिबि नुजेन्नायावनो, नाथाय फोरमाय ग्रीदोंमोन नोंनो आंखौ गोसो थोयो होनानै, मोन्दोंमोन गोसोखौ आं अब्ला खुसिजों मोथो-मोथो बै सानखालि नोंनि गोदे रावखौ खोनानानै। खोनानो मोन्दों नाथाय दा जिउनि लोगो दंखायो होना नोंखौ। फोथाया सानसुलि आं अब्लाबो खोनानाय बै नंखाय रावफोरखौ। नोंनि महरा फैयो आंनि एल्बामाव बर' हारिनि दख'ना जोमग्रा गानानै, स'ना-रुफा गानफव-जोमफबै अरायबो राजखुंनि महरै। मालाया जेखि बुड मानो बावनो हालिया आं नोंखौ, नेनानै दड आं नोंखौ बिबबारनि माला लानानै आंनि लांगोनायाव।

मुश्री राजा ब्रह्म
फरायसालि:- कक्राझार कलेज
थाखो:- बि.ए. सेथि बोसोर
गामि:- रमानफारा
ला:सो:- खारगांव
जिला:- कक्राझार, बि.टि.सि.(आसाम)।

रंजालि गथ' फोरनि सौरा

दानि सिख्लाफोर

बर' हारिनि सिख्लाफोर टाउन बाजार होमबाथाइ जेरावबो हायलोब हायलोब गाननाया बिसिनि सुरिदार लंफेन गैया माथो नोंसोरनाव बर' हारिनि गाननाय। बायबाय नामा बायदि मैयानि गाब-गान्नाय दखना; दानाय लुनाय कृष्टि मोसानाय बायदि-आसार खान्थिखौ। गैया नामा नोंसिनि गोसोयाव बर' हारिखौ जौगाखां होनायनि मिजिंक बिबादिब्ला जों बर' राइजोखौ-मात्रे मोननो; फै जों बर' हारिया बयबो खौसे जानि बर' हारिखौ जौगाखां होनायनि मिजिंक बिबादिब्ला जों बर' राइजोखौ-मात्रे मोननो; फै जों बर' हारिया बयबो खौसे जानि बर' हारिखौ जौगाखां होनाइया-जोंनि आखाइयावनो दं। दाजासै नोंसोर रावबो एना एनि मालाइ हारिनि आधि सिडव-थाबाय थानायनि सम गैला फैदो फै बयबो ज.ज; सुरदिनि जों आगान गोजों लामाजों।

गोसोखां बसुमतारी
गामि- मैनागुरी।
जिला- कक्राझार, बि टि सि, आसाम।

बुहुम मिथिगा (चनेट)

बुहुम मिथिगानि बायदि मैया बिफां-लाइफांफोरदि बारजों बेसेबांबा मोजां मोजां रंजायो बेसे समायना बेसे रमायना बे बुहुम मिथिगायालाय सारि गिरि बिफां-लाइफां फारि फारि न'-बां राइजो जाबायदों आइ-आफा आबै-आबौ मोनहा मिनि रंजा बाजा बुहुम मिथिगानि सायाव बेसे समायना, बेसे रमायना, बेसे गोजोनथाव, बुहुम मिथिगानि महरालाइ आय बे संसारालाइ।

राना प्रताप सिंह ब्रह्म
गामि: बंसिगाव(दतमा)
जिल्ला: कक्राझार।

आं नोंनि थाखायल

आंबोध नोंनि थाखायल रावनिबो नड बे जोनोमआव, मोनथियाखैमोन नामा नों आंखौ मोजां मोना सान्दोंमोन रजे सिमाडव सानदों नोंजों गेलेगोन नाथाय मोगथाडव सान्दों नों माल्ला आंनि जागोन। सानै सानै सानसनो हाला आवसाव जाबाय आं नोंनि समायना महरखौ बिखा सिंआव थानाय मोनबा बिदि जाया जागोमोन। नाथाय सना आं बे जोनोमआव नोंखौल मोजां मोनो नोंखौल गोसो थोयो, उसाव-बादाव आंनि गोर्बोआ नोंखौल सानो मानोथाय।

थनिजा ब्रह्म

जिउनि अनजालि

आंनि जिउनि मोदायजो
गोर्बोनि अनजालि मोन जों।
गेलेनाय नंडमोन आंनि
नोंखौ मोजां मोननाया।
दिनें नाथाय मानो?
आंनि गोर्बोनि गोथार
अननायखौ नेवसिनानै नों
नंखाय खालामखो?
नडमोन अनजालि बियो
दसे समनि थाखाय;
अराय समनि थाखायसोमोन।
सिमांआवबो सानाखैमोन आं,
नों अनजालिखौ गुबुनजों
आनत्राय लांगोन होनानै।
नाथाय जिनें नेवसिबाय
नों अनजालिया गोर्बोनि
गोथार अननायखौ।
सानदोंमोन आं नों
अनजालिखौ जीउनि खालामनो
फैमाल नाथाय बे आंनि साननाय।
होलांवाय नों अनजालिया
गोसोआव हाजासे दुखु
गालांवाय नों अनजालिया
गोर्बोआव जुजायनि अर
थांबाय नों.....
जिउनि अनजालि।

दैमा मसाहारी
ला:सो:- हलथुगाव
जिला-कक्राझार बि टि सि आसाम
बैसो-जिदाइ (18) बोसोर।

गोसो थोफ्लांवाय आं

गोसो थोफ्लांवाय आं नोंखौ स'ना; मा होनानै रायज्जायबावगोन आं नोंखौ लोगो मोनबोला सना। जाया नंड जाबाय नोंबो सासे महर गोसा नोंबो सासे महर गोसा सिखोला; फसाया नंड फसायफ्लांवाय आंनि जावलिया गोसोआबो। गोजावनांवाय आं नोंनि महरावनो रायखोमा जानांवाय आं ; सुबुंजों हिनजावनि फागोला बरिख जानांवाय आं लामा-सामा। दोहो-दोहो खामगिल लांखे आंनि सोलेरा दुखुनि मोदैजों लोमसाव फैयो; जेबोला नोंनि हायना गोनां महरखौ गोसोखांखे हाया आं नोंखौ बावनो हाया। नोंनि मिनिनाय नोंनि रायज्जायनाय दिनें नुयै गामोनबो नुयैनो; गोसो थोफ्लांवाय आं नोंखौ सना नों मानि-दामानि। नाथाय नागिरे-नागिरे मोनबायमोन आं सायखना नोंखौल बे जोनोमाव; मोनहां-मोनाहां जागोना जाया आंनि गोसोजों हास्थानाया। बेयो आं अराय सम नोंनि गुरे रावनि फिन्नाय सना; आंनि गेरेव देरानि दरखांआव।

राम नाथ बसुमतारी
जिला-चिरां बि टि ए डि,
बैसो- जिदाइ (18) बोसोर।

सुसिला देबीआ टकिय अलिम्पिकनि थाखाय क्वालिफाइ जानो हाबाय



गोदान दिल्ली, 26 जुन: भारतीय जुड' गेलेगिरि सुसिला देबीआ महादिपिय कटानि गेजेरजों टकिय अलिम्पिकनि थाखाय क्वालिफाइ जानो हाबाय। बेनि सोमोन्दै शुकबारखालि बे खेलानिनो

इन्टरनेसनल फेडरेशनआ रोखा खालामो। इन्टरनेसनल फेडरेशननि बादिब्ला 48 कि:ग्रा: थाखोनि गेलेगिरि सुसिलाया 989 पइन्ट खालामनो हायो जायनि गेजेरजों बिथाइ एसियानि फोसावनाय

फारिलाइआव 7 थि जायगा आवगिनो हानायजों खथा आवगिनो हायो। महादिपियनि खथाखौ ओन्सोलनि सोमोन्देयाव थानाय रेंकिखौ लाना होनाय जायो। एसियाआव गासै मोन 10 खथानि जायगा दं। बिनि सिगां अबतार सिंआ सासेल' जुड' गेलेगिरिमोन, जाय अलिम्पिकनि मेचफोरगव भारतनि जाना दिन्थिफुंदोंमोन। बिथाइ 2016 नि रिय' अलिम्पिकनि 90 कि:ग्रा: थाखोनि बादायनायआव बाहागो लादोंमोन। टकिय अलिम्पिक सामलायग्र। कमिटिनि आफादगिरि सीक हासिमतया शुकबारखालि फोरमायनाय बादिब्ला ब्रै सप्ताहनि उनाव जानो गोनां अलिम्पिक

मेचफोरनि थाखाय नायग्राफोरनि अनगायै खु'फु'नो लानाय दासिमावबो मोनसे थांखिबादि जाना दं। बिनि सानब्रै सिगां समबारखालि हासिमतया मेचनि बादायनायाव सा 10,000 सिम नायगिरिफोरखौ हाबनो गनायथि खालामगोन होन्ना फोसावथाय होदोंमोन। हासिमतया बुंदों, आं फोथायनाय लादोंदि, नायगिरिफोरनि अनगायैबो अलिम्पिकनि मेच बादायनाय खु'फु'गोना दासिमबो मोन थांखियावनो दं। थासारिया समजों लोगोसे सोलायगासिनो दं बिनिखायनो जों थासारिजों गोरोबनांगोन आरो जेखिजाया सोलायनाय थासारिनि थाखाय थाबेनो थियारि थानांगोन।

इउएइआ 17 अक्टबराव टी-20 वर्ल्ड कापखौ खुंनाय जागोन

गोदान दिल्ली, 26 जुन: भारतीय क्रिकेट कन्ट्रल बोर्ड (बि सि सि आ इ) नि सामलायनायाव बे बोसोराव इउएइआव 16 था टीमफोरनि गेजेराव जानो गोनां टी-20 हौवा वर्ल्ड कापआ 17 अक्टबराव जागोन, जेराव फाइनाल बादायलायनायखौ 14 नभेम्बराव गेलेनाय जागोन। बिसिसिआइआ दासिमबो आइसिसिखौ मावख'यारि महरै टि-20 वर्ल्ड कापखौ इउएइआव सिफ्ट खालामनायनि सोमोन्दै बाथा बुडाखै। नाथाय जेरेबादि थासारि सोमजिदों बेखौ नोजोर होनायै बे वर्ल्ड कापखौ इउएइआव खुंनाय जागोनखौ हमादंनो लानाय जादों। सुलुनि बादिब्ला बे बोसोरनि टि-20 वर्ल्ड कापखौ



इउएइआव खुंनाय जागोन। आथिखालनि यजनानि बादिब्ला, टि-20 वर्ल्ड कापनि

गिबि बादायलायनायखौ मोनै खोलोमआव खुंनाय जागोन। बे मेचखौ इउएइआव अमानआव खुलिनाय जागोन। गिबि बादायलायनायाव मोन 8 था टीमफोर मोनै गुपआव 4-4 टीमफोरनि हिसाबै 12 मेचखौ गेलेगोन, बिसोरनि गेजेराव मोनै गुपआव 2-2 टीमफोर सुपार -12 नि थाखाय क्वालिफाइ खालामगोन आरो रेंकिनि 8 था टीमफोरजों लोगोसे सुपार 12 नि बाहागो जागोन। गिबि बादायलायनायनि माखासे मेचखौ इउएइआव लोगोसे अमानआवबो गेलेनाय जागोन। सुपार 12 बादायलायनायाव मोन 30 था मेचफोरखौ गेलेनाय जागोन, जाय 24 अक्टबरनिफ्राय जागायजेगोन। सुपार-12 आव थाफादेरनाय टीमफोरखौ 6-6

टीमफोरनि मोनै गुपआव रानाय जागोन। सुपार 12 बादायलायनायनि मेचआ इउएइआव मोन 3 जायगाफोर डुबाइ, अबुधाबी आरो शारजाहआव गेलेनाय जागोन। बेनि उनाव मोनथाम प्लेअफ मेच जागोन, जेराव मोनै सेमिफाइनाल आरो मोनसे फाइनालआ थाफादेरगोन। मख'नो गोनांदि, आइसिसिया करना खैफोदखौ नोजोर होनायै बिसिसिआइखौ बे बोसोराव जानो गोनां टी-20 वर्ल्ड कापखौ देदेन्नायनि सायाव थांखि लानो थाखाय 28 जुनसिमनि समायसिमा होनाय जादोंमोन। नाथाय बिसिसिआइ थासारिखौ नोजोर होनायै बेखौ इउएइआव खु'नो थांखि लादों।

कपा आमेरिका 2021: अरुग्वे आरो पराग्वेनि टीमआ नकआउटआव सौहैनो हाबाय

साअ पाउल, 26 जुन: कपा आमेरिका कापआव गुप ए नि टीमआ अरुग्वे आरो पराग्वेआ नकआउटआव जायगाखौ आवगिनो हाबाय। मोनैबो टीमफोर मोनथाम मेचफोरनि गेजेराव मोनै मेचफोरखौ देरहानाये इयुननि थाखाय जायगाखौ बानायनो हाबाय। उरुग्वेआ बलिबियाखौ 2-0 जों फेजेनानै गिबि देरहानाये रेकर्ड खालामदों। गुबुन फारसेथिजाय पराग्वेआ चिलीखौ बे फारगथिजोंनो फेजेन्दों। गुप एजों आर्जेन्टिना आरो चिलीनि टीमआबो नकआउटआव सौहैबाय, जेराव बलिबियानि टीमआ टुर्नमेन्टनिफ्राय बायजोयाव थानांबाय। उरुग्वेनिफ्राय जाएर' क्विन्तेसआ गिबि हाफआ जोबनायनि एसे सिगां 40 मिनिटआव गल सोनानै टीमखौ आवगाय होदों। बेनि उनाव एडिन्सन कबानिआ 79 मिनिटआव गल सोनानै स्करखौ 2-0 खालामदों। कबानिआ नभेम्बरनि उनाव गावनि गिबि हासिमयारि गलाखौ सोदों। उरुग्वेआ पइन्टखौ बांहोनो हादोंब्ला, गुबुन फारसेथिजाय बलिबियाआ पइन्टखौ समान खालामनो नाजादों। नाथाय बियो



बेवहाय जाफुंसारनो हायाखै। उरुग्वेआ बे देरहानायजों लोगोसेनो मोनथाम मेचफोरगव 4 पइन्ट मोन्दों, जेराव बलिबियाआ टुर्नमेन्टनि मोनथाम मेचफोरखौ खोमानानै लानादों। गुबुन मेचआव पराग्वेआ चिलीखौ 2-0 जों फेजेनानै नकआउट खोलोबआव जायगा बानायनो हादों। पराग्वेनिफ्राय ब्राएन सामुदियआ 33 मिनिटआव गल सोदों, जायनि मदतजों पराग्वेआ गिबि हाफआ जोबजासिम पइन्टखौ लाखिलांनो हादों। बेनि उनाव नैथि हाफआव माइगुएल एलमिरनआ 58 मिनिटआव गल सोनानै टीमखौ 2-0 जों फेजेन्दों। चिलीआ दासिमबो समान पइन्टखौ खालामनो हायाखै। पराग्वेआ गुप एआव मोनथाम मेचफोरगव 6 पइन्टजों लोगोसे नैथि थाखोयाव थादों। चिलीआ गिबियावनो जोबथा 8 आव जायगाखौ आवगिनो हानानै 5 पइन्टजों लोगोसे थामथि नम्बरव थादों। उरुग्वे आरो पराग्वेआ जोबथा 16 आव फेनो गोनां समबाराव बादाय लायगोन। देरहागिरि टीमआ क्वार्टर फाइनालआव ब्राजिलजों बादाय लायनो हागौ।

इउएइआव खुंनाय जागोन। आथिखालनि यजनानि बादिब्ला, टि-20 वर्ल्ड कापनि

गिबि बादायलायनायखौ मोनै खोलोमआव खुंनाय जागोन। बे मेचखौ इउएइआव अमानआव खुलिनाय जागोन। गिबि बादायलायनायाव मोन 8 था टीमफोर मोनै गुपआव 4-4 टीमफोरनि हिसाबै 12 मेचखौ गेलेगोन, बिसोरनि गेजेराव मोनै गुपआव 2-2 टीमफोर सुपार -12 नि थाखाय क्वालिफाइ खालामगोन आरो रेंकिनि 8 था टीमफोरजों लोगोसे सुपार 12 नि बाहागो जागोन। गिबि बादायलायनायनि माखासे मेचखौ इउएइआव लोगोसे अमानआवबो गेलेनाय जागोन। सुपार 12 बादायलायनायाव मोन 30 था मेचफोरखौ गेलेनाय जागोन, जाय 24 अक्टबरनिफ्राय जागायजेगोन। सुपार-12 आव थाफादेरनाय टीमफोरखौ 6-6



कभिड-19 जों आंगोखौ खोमानानै लानांनया जोबोद दुखुनांथाव।
बे गोब्राब समाव नोंथांनि फिसा हेफाजाबजों गोलाव लामा हान्थिनो हागोन।



ॐ हिमन्त बिश्व शर्मा
मानगोनां गिबि मन्थि, आसाम

मोन्नो हाथाव गुण

- मुलाम्फायारिआ आसामनि नंगुबै थागिबि जानांगोन
- मुलाम्फायारिफोरनि फिसाइआ थैनाय समाव कभिड पजिटिभयै थानायजों लोगोसे बेनि फोरमायथिखौ राइज्यो थाखोनि कभिड डेड अडिट बर्डनिफ्राय फोरमान खालामनाय जानांगोन।
- मुलाम्फायारिआ बाडाइ आर्जिनाय नख'रनि जानांगोन आरो बोसोररि आयआ 5 लाख रनि बांसिन जानो मोन्नाय नडा।
- अरुनदय आरो रान्दि पेन्सननि मुलाम्फायारिफोरबो बे बिथांखिनि मुलाम्फाखौ मोन्नो हागोन।
- सरकारि साखि आवलानि बिसिआ बे बिथांखिनि मुलाम्फाखौ मोन्नाय नडा। बिसोरो सरकारि नेमखान्थि बादिदै थिखानाय समसिम नख'र पेन्सन मोन्नो हागोन।

मावफुंनयानि फारिखान्थि

- जिल्ला बेंगिरिफोरा मोन्नो हाथाव मुलाम्फायारिफोरनि फारिलाइखौ कभिडजों जिउ खहा जानायनि एनएइएसएम डाटाबेसनिफ्राय लानो हागोन। फारिलाइखौ मोन्नो हाथाव नेमखान्थिनि गेजेरजों नायफामनाय जागोन। नायफामखानायनि उनाव मुलाम्फायारिफोरनि एकाउन्टआव रंखौ सोहरनाय जागोन।
- मोन्नो हाथाव जायखि-जाया सुबुंफोरा जुदि जोबथा फारिलाइयाव मुं थालांदोंब्ला बिसोरो गेबें फोरमान बिलाइफोरजों लोगोसे जिल्ला बेंगिरिनो अजदलाइ गथायनो हागोन।

गोनांथि फोरमान बिलाइफोर

- मुलाम्फायारिफोरा मोन्नो हाथाव होन्नानै जिल्ला बेंगिरिनिफ्राय होनाय फोरमान बिलाइ।
- बेंकनि रोखा फोरमायथि जैरे-एकाउन्ट नम्बर, बेंकनि मुं आरो दालाइ, आइएफएससि कड बायदि बायदि।

JANASANYOG/DF/243/21